

Headline	Tiada penjualan aset strategik TH, kata Mujahid		
MediaTitle	Sinar Harian		
Date	02 Oct 2019	Color	Full Color
Section	Nasional	Circulation	140,000
Page No	9	Readership	420,000
Language	Malay	ArticleSize	238 cm ²
Journalist	N/A	AdValue	RM 5,046
Frequency	Daily	PR Value	RM 15,137



Tiada penjualan aset strategik TH, kata Mujahid

PUTRAJAYA - Menteri di Jabatan Perdana Menteri, Datuk Seri Dr Mujahid Yusof semalam menepis dakwaan kononnya Lembaga Tabung Haji (TH) telah melepaskan pegangan aset dan ekuiti strategik berjumlah RM2.6 bilion.

"Mana ada syarikat lepaskan (aset dan ekuiti) RM2.6 bilion dalam tempoh tiga bulan melainkan ia akan menimbulkan panik kepada pasaran," katanya berhubung dakwaan Ketua Pemuda UMNO, Da-

tuk Dr Asyraf Wajdi Dusuki yang mengatakan TH telah menjual aset strategik bernilai RM2.6 bilion termasuk pegangan saham dalam Tenaga Nasional Bhd (TNB).

Mujahid berkata, dakwaan sedemikian hanya akan menjelaskan institusi Islam itu.

"TH sudah berada pada landasan tepat setelah setahun kita pulihkan, takkanlah hendak buat perkara yang menjelaskan reputasinya," katanya kepada pemberita selepas

merasmikan Persidangan Pendakwa Syarie Seluruh Malaysia 2019 di sini semalam.

TH dalam kenyataannya kelmarin turut menegaskan tidak pernah menjual ekuiti berjumlah RM2.6 bilion termasuk keseluruhan pegangan saham TH dalam TNB bernilai RM1.8 bilion.

Mujahid berkata, beliau memberi tempoh selama seminggu kepada Asyraf Wajdi untuk meminta maaf secara terbuka berhubung kebenarannya jika tidak mahu tindakan tegas diambil.

Sementara itu, dalam perkembangan lain, Mujahid berkata, Jabatan Pendakwaan Syariah Malaysia dijangka ditubuhkan dalam tempoh dua tahun bagi mewujudkan pengasingan kuasa antara Jabatan Pendakwaan dan Jabatan Kehakiman Syariah.

Menurutnya, jabatan itu akan mengawal selia semua perkara berkaitan pendakwaan syariah termasuk pengurusan dan tadbir urus, kemahiran pendakwa syarie, penyeragaman undang-undang jenayah syariah dan perlaksanaan proses serta prosedur perundangan. - Bernama



Mujahid (kanan) bersama sebahagian Pendakwa Syarie selepas merasmikan Persidangan Pendakwa Syarie Seluruh Malaysia 2019 di Putrajaya semalam.